

靜

廉

齋

詩

集

靜廉齋詩集卷十六

仁和金 姓雨叔

正月三日戲詠閒趣

甲午

憑將閒事成忙事催賀新年趁小年

俗以此日爲小年朝賀歲者過此近

於慢

病榻正宜停說法藥爐聊足詫登仙閉門獨享辛

盤供待漏誰驚午夜眠賸有詩編堪料檢未經刊落僅

三千

自癸卯至癸巳除夕五十年來共得詩二千九百九十八首

元宵作

火樹銀花鳳城陌紙窗竹屋羈人宅不傷寂寞不豪華

靜賞元宵老宗伯老婦不出看游人

用溫公夫人語

老夫亦不

靜廉齋詩集

卷十六

讀周易蘊繁薦罷魚菽陳鶴髮相看浮一白含飴繞郝
四雛癡乞買春燈幾錢值踉蹌笑舞學秧歌擾擾魚鰕
爭跳擲尊前心去萬里外適越如尋宦游客乍因鑲印
得清閒時復呼囚檢徽纆開陽春獄中前合淹
繫甚多深以爲慮更深退
食對卮酒還憶椿萱遠相憶兩兒圍坐總非男離異同
占再三索黯然却似夢回時嶺海了無籬落隔慰情那
得比陶公達觀聊進杯中物酒闌燈炮詩自成睡鄉憂
樂緣皆息鄰牆暫趁少書聲就枕免教勞轉側

謝諸同年餞送卽以志別

蘭譜揚芳卅二年和平喜聽友聲傳晨星每憶人安在

今雨旋看我亦然顧影鵷鴻雲路隔同心松柏歲寒堅
東山偶值停絲竹好縱清談潞水船時將與謝未堂聯
舟值其有期服故
云

奉題座主汪文端公松泉遺照

峩峩千丈松凌雲構天闕袞袞萬斛泉歸墟涵溟渤德
業與文章吾師夙無匹廊廟仰雍容經綸參密勿澄懷
退食暇蕭灑自怡悅邱壑有夔龍勝賞寄風月西麓聽
濤亭寓園舊
亭今毀奉杖頻登陟林間埽石坐曲沼俯深碧揮

塵領清談塵氛頓蠲滌宛侍謝公游寢處便山澤應知
濠濮趣正與華林協宸襟重風度尺幅雲章揭妙遠

契神心松泉想清越晚年因自號此號 主恩錫欲傳

相賞意寫照倚名筆北苑接營邱能手並時出

董宗伯
邦達李

太常世倬
各寫一圖

遺貌獨追神神貌乃兼得嗚呼別公久閱載

十有七精氣返台垣迷茫銀漢隔歷歷白榆間騎箕占

傳說心摧梁木壞淚作隴泉咽浮榮覩尸素頑福免蹉

跌幸荷

聖慈憐不負師門責從茲乞身去暮景餘幾

日新安一水通沿沂阻衰疾拜墓定何時卷圖真永訣

九京儻神遇猶幸無愧色珍重兩歐陽家聲長護惜

和周海山前輩再至成都次少陵寄嚴鄭公五首

韻

兩度乘輶出 帝都舊鄉旋見換桃符
臘煩土堠頻相送敢念田園漸欲蕪
使客本來如邑子官醅爲復勝村
酤車前不假飛旌旆況瘁猶應憫僕夫

南望遙吟采白蘋峨眉冰雪怕留春
寧知臥病思歸客尙待占星奉使人
輾轉寸心聯氣脈間關萬里卽比鄰
飲醇何啻傾家釀更喜傳將佳句新

退直招邀祇隔溪仙源重探武陵迷
心懸霄漢常依北景迫桑榆久向西
涉險任驚浮海舶破空憑騁籥雲蹄
相看總似風中絮半逐萍漂半染泥

烏絲未暇界成欄關捷毫鋒奮若湍
在昔仰瞻天一握

青真子集 卷一
三
祇今歸臥日三竿。鼻端自可觀虛白。胸次誰能泯寸丹。
講席幸多公等在。報恩惟此共思難。

海門滌白盞觴微。君未成歸我竟歸。老去愈憐前輩少。
閒來休問去年非。天衢遠隔鵷鴻侶。月地新呈雲錦機。
但祝持衡符宿約。湖邊一棹翦蠙衣。

病瘍未得成行題家信後示三吾

流行坎止總隨緣。問疾須兼內外篇。蹤跡未妨充大隱。
情懷寧比賦中賢。試將方藥元多幻。夢到山林亦自便。
却笑叢書歸兩版。爲遮老眼卸包纏。

發軔誰教旋止車。還鄉無此好家居。三春游賞眞岑寂。

六月炎蒸且辟除
帆影暫停桃漲候
榜花仍避桂香初
閒來隨處容高臥
美疾勾留興有餘

食醉白蛤作

吳人常想江湖味
互物無如蛤鮮脆
津門一水載連筐
不羨含珠珠蚌貴
勻圓枚數勝蠔黏
慎密口緘學螺閉
飽饒曾記待魚死
議饌仍傳有蚶例
若教鹵莽試南烹
入釜如聞泣顙頤
春暖催將家釀成
小槽疎雨清音墜
舖糟吸醅堪混俗
外骨正須和骨醉
冥然應喜遇中山
躁擾元非蟹胥類
不勝梧勺笑顏瑳
西施舌吐蘭芬細
但與江瑤品後先
未容海月窺風致
應識書邊減一瓴

遠過鼎中勞九沸微生已洗泥塗辱委蛻猶供樽俎對
爲吾佐酒久含醺先霑餘瀝良無愧却憶當年得魁陸
家鄉遠寄同斯製殷勤借作釣詩鈎分餉孟公投所嗜
卽今獨享還獨唸纔覺欣然旋深喟

甲申曾以醉蚶餉陳句山有倡和詩

竹刻蝦蟇鎮紙

外舅胡公自嘉定得以貽姓今四十餘年矣

曾隨筇杖涉江鄉金背摩挲夜有光騁辯欲窮丁子尾
取材應入女兒箱仙壇憶掃飛塵淨破屋休吟救月忙
耐久幸同傳壻硯卅年蟠螯守書倉

立夏憶家鄉時物

初夏江村節物芳病夫屏處倍難忘鷺含滿樹紅珠綻

雞哺盈籃玉版香

哺雞笋見咸淳臨安志

松粉收來黏客餌青精

染出飯仙糧隨心取足今年事惆悵依然不得嘗

閒中雜詠十二首

閒中光景暗消磨物理推來感慨多蚊聚漸勞蛛布網
鳩安翻妬鵲尋窠可堪藥債增錢債聊借詩魔敵病魔
歸夢遠書同恂怳却疑庭樹號如何

不因苦筍脫朝衫又見朱櫻讓鳥銜魚菽關心催節物
松楸引領隔嵌巖頗聞薄薦偏愁餒便致珍鮮忍放饞
莫似兩京賢相國素帷裁得挂征帆

兩劉相國柩並於三月下潯起程

三春花事盛西郊卅載因依翡翠巢爲憶湖山餘勝賞

未妨簪組任閒拋無端兩地停游屐正復孤居等繫匏
塵榻蕭然空悵望鄰牆漸見綠陰交

漢史曾傳傳相強幾人名德感諸王說經自覺多吁咈
論事殊慙過慨慷日久箴規情轉浹病來存問誼偏長
瑤章屢捧非私幸綴佩都歸蘭芷芳

諸皇子時遣人
存問寄詩見懷

行館思開歲月深久知分土本同心等閒擬博千金諾
造次幾爲一語侵似比詩翁歌廣廈居然佛子闢叢林
癡兒頗念經營苦侍疾餘閒爽塏尋

世業真堪嗣帶經畢生著述半飄零侯芭傳得存窮巷
劉向編來貢大廷一藝專精書告備六丁待取易通靈

誰能更借吹噓力褒賞儒官示典型

故遂安訓導倪山友濤先生著周易

四尚七十四卷六藝之一錄四百一十八卷子孫周落書藏姓家者垂二十年今上之四庫全書館幸得採錄

相門佳婦出銀潢公子仍非天壤郎萬里獨傳餐玉法

一家懸盼餽貧糧楚游妻子真堪念梁苑池臺似蚤荒

不少莊田存陸氏老夫仰屋自評量

鄂少司空怡雲忻座主文毅公第五

子而莊親王壻也罷官後奉使和闐其家貧甚至絕糧竊爲籌四年之計尙不足支三年也

萬里行纔月魄蘇歸裝何事更踟躕回思枝上鵲啼急

轉惜雲邊雁影孤畫足已輸先得酒含沙須避後張弧

也知同泛仙舟好久速無嫌各指途

謂同門謝未堂

先公長日賦閒居小子纔當舞勺初水觀樓開空界淨

皋亭山近俗緣疎聞詩幸足傳家事卜築何心問敝廬

不改當年蕭寂況軟紅塵裏有誰如

先公嘗於康熙癸巳和季煒公煌長

日遣懷三十首
時在湖墅舊居

彈冠袞袞出邱樊緩頰微聞及虎狔辛苦無如百僚底
疎慵還望九重門且教薄福留餘福任遣辜恩議少恩
屈指郵書聊問疾長安遠共日邊論

頻看百尺引孫枝往事傷心象卷菴蘭畹敢期佳夢獻
荔支或取側生宜龍蛇自昔曾知警豚犬於今總莫嗤
但祝小星常助月懸弧迭報慰含飴

湖山久作北邙山拓地都無一席閒聞說西溪好風景

遠從南渡闕雲關秦亭秀脈通枝幹芝陽神游便往還
吉壤儻應留得在蚤遵治命關榛菅南北兩山殆無埋
骨之地欲密邇先
塋不可得矣聞西溪留下猶或可
尋去普福較遠於芝陽尙近也

頌病寫樂

睡起徒飽食杜門謝賓游琴基本不解書籍復蚤收何
難發繩篋僮僕方惰偷借觀二三冊劬舍亦易求隨筆
校其誤良勝還瓴酬坐久苦創痛恨無欹按修投牀臥
把卷手倦目亦愁誰能空仰屋幻想供冥搜有時一篇
就徐覓標題留夢蝶乍相引何減蘧蘧周妻孥憐久病
或爲醫者尤藥物將匱竭行期頻逗留去住幾時決隔

障私咍嘵我聞戰然笑妙理難汝謀服官羸卅載有此
閒適不此病未及死卽死亦無憂不生不死間竟得死
前休猶然怨疾疢適爲美疢羞

同年覺羅奉碩亭

寬

少司馬輓詩

維昔歲壬戌共聽臚句傳相從訂齒錄我於君倍年天
潢與庶姓霄壤原截然君尤慎交友杜門書課專玉堂
期集外殊少閒周旋宦海渺涯涘帆風分後先館閣久
追步適賀陪京遷我使江左歸虎闥參胄筵君尋綸扉
入仍侍廣廈旃從茲晨夕共不殊形影連近事我堪質
舊規君可沿圭璋憑判合倡和壘簾便諭教古所重何

以免咎愆同心我二人閔默徒悵悵我昨遘危疾

天慈荷矜憐沈縣遂一載尙滯南歸船承君枉存問慰

我行當痊是時君已病疽發遍於咽我勸宜請急毋縱

厝火燃君方重公事日直龍樓邊樞庭檢機速管領瀛

洲仙經筵仍進講不懈乃益虔養癰終腊毒一潰如奔

川給假僅踰月遺疏俄聞天皇子感臨奠渥恩褒綽

宣於君故無闕終始榮哀全宗卿存直道伊古誰比賢

我爲國家惜淚綆應漣漣因病不能送送者多紉牽傳

聞葬法異穿曠深及泉北土謂無礙沮洳畚鍤濺

穿曠五尺

浮漚鬻沸而上復穿二尺窆焉既往不可諫駭聽幾狂顛埋玉已堪痛

何啻期潛淵身沒事則已子孫將庇焉孰爲鑄此錯坐
令後患延福門幸無恙地理天鈞甄吾衰不及見遺恨
聊終篇

虛擬歸田之樂輒成一篇

待作歸田客憑將田事陳稻梁謀本拙菽麥辨還眞暑
雨都忘怨秋風敢避塵鋤耔良少力饑饉有閒身督課
期無倦程功計必均井疆資草笠蠶績寄綦巾抱耒晨
先出鳴機夜未竣寒衣惟預授春酒不求醇梨棗分甘
足雞豚賽社親倉箱裁有積秉穗每憐人生意關憂樂
先疇憶苦辛松楸元在望節物薦常申因便尋山水隨

方度隰畛誰能謝墟市但喜隔城闔近局時時就遙村
緩緩巡桑陰同卓蓋莎軟卽鋪茵對選童蒙試書防老
婦嗔豆棚留話久孤樹紀談新藉洽鄉鄰誼咸教禮法
遵勉哉輸稅蚤戒爾愬官頻思善心彌逸明倫俗自淳
履霜寧刺魏流火共歌幽啓後農兼士娛情秋復春莫
輕村學究便擬葛天民負郭終何在聊爲夢想因

喜外孫王用敷

廷錫

入泮寄示

丹桂垂枝月影長先教衿佩染芹香花潭度曲方傳得
先得汪氏蘭渚臨書續寄將已覺新鶯工睨睨卽看老

九郎喜信

鳳引翱翔我聞失喜仍銜涕爲向湖山憶阿孃

時長女
尙厝湖

上

戲和胡生羽堯

翹元

給諫晦日移疾夜坐作韻

慎疾猶省愆諒無非意于精心豫攝養天縛誰能纏當
其旣相迫寧可逃空山匹如疲極馬袞塵難卸鞍霍然
自消散醒來忘夢昏依前理官事重得眠食安云何暫
請假頓覺宦興闌故知作苦語嫵媚聊增妍孺人提稚
子勸慰彌可憐不能忘情處遽思身事完斯言應誑我
聞者皆迥然善病因善退惟我窺其端吾衰分亦滿漸
同黑月圓上弦候幾望子實程期寬方看驄騁步不藉
藥駐顏儻欲竟移病正須如我年

老態

聞中追悔少年狂病退難將老態藏
奇字問來常不識誤書思得已旋忘
手僵拂紙慙毛子睡短援衾憶索郎
獨有山林餘興在摩挲筇杖自飛揚

聞周迴川解組歸里喜作

扁舟安穩蜀江回重認門前五柳栽
宦味尙應勝苜蓿

謂曾任
學博

山情爲復戀蓬萊

君嘗集筠連山水佳處彙名曰小蓬萊

君方九

載辭三考我本先歸轉後來更喜郎
君扶持便兩株丹桂及時開

伏承

皇六子隸書齋榜屏聯肅詠陳謝

榜日好學爲福

聯日題品雲山寧有諱收
羅風月不傷廉元劉因句

錫福帝王權好學聖賢訓豈必自求多樂道祇循分修
吉順而祥不知亦無愠領要漆園遺

額語出
逸莊子

宗旨杏壇

近天人有深契健筆破空運偉觀麗軒楹驚采龍鸞奮
經羸傳世業儒術惟待問干祿協時來青紫信拾摺名
言揭日月珍重啓嘉聞拜德愧刊銘擘牋酬短韻

生逢不諱朝猶凜口戕口六計誦惟廉寧徒小臣守俠
陸金人嚴循河鯢鼠走雲山供跌蕩風月憑消受狂來
或輕發興到乍貪取側聽先民言似勸諷亦有經用想
平分逍遙庶无咎 帝子別情深特書標座右追蹤篆

籀文俯視冰斯手歸船占寶氣虹月徧煙藪

今雨堂餞別分韻

會者爲賀鶴汀復典籍汪經耘存寬項豫齋家達朱章浦絳三

翰林何縉華胡羽堯兩給諫魏蔭華觀察徐湘芷權祖葉諤亭和侃兩大令與余共十人各賦

五言古詩一首以何時一尊酒重與細論文爲韻余得文字

人生不戀別漠漠浮空雲古來師友間至性感離羣嗟
余二三子餞別何殷勤朋尊快醪飲俸錢朽貫分虛堂
新雨過爽氣迴高雲看蒸雜蘭蕙寧必嗤羶葷藏鉤探
秘策設伏疑專軍號呶信所戒脫略殊可欣中酒俄太
息潞水方泐泐歸航便放溜決驟踰驚麋却思今夕會
斷夢迷氤氲醉能同其樂醒宜述以文長城標五字詩

清江雜錄卷之二
壇看策勲賦韻取成句十子流餘芬盈囊斂珠玉薄味
酬蒿芹蟲鳴占秋令不比炎宵蟲贈言於此寓蠲潔超
埃氛敬慎乃無敗奉職窮朝曠餘閒更稽古經畚休曠
耘恩華臺閣近治績循良聞明堂有梁棟未忘殷爾斤
殘年守邱壑福曜臨榆枌湖山多勝地猶足邀使君新
篇續舊譜辟蠹憑香芸

汪時齋

承需

農部蜀行紀事草題辭五首

長卿空難蜀子美屢游川但有文詞壯都無武略宣簡
書遴上佐戎幕借吾賢頗牧禁中出旌麾頓肅然
中權資碩畫小醜譬英聲心爲三軍懼身從百戰輕摧

堅凌死地伺隙縱奇兵整暇真名士雄篇立馬成
險盡魚鳧境命懸矢石間正因于吏議却喜得生還天
鑒捐軀志恩留橐筆班殘年重接武閭闔候開關
萬疊雲山隔千尋波浪飛依然趨省闈長得侍慈闈祇
覺身名泰無嫌心事違和平唯養福隨處可忘機

居幸長安易詩摹蜀道難郎君信神勇朋舊尙心寒佇
聽鐃歌奏先當露布看策勳餘慶在流涕憶文端

姓

竊編輯 皇五子崇純親王遺詩一卷爲焦桐

賸稿以授 皇孫藏守 皇四子因作徵啓賸

蒐遺佚仍賦七律二章卽以焦桐二字爲韻見

投依韻奉答

莫嗟虹采頓煙消
色界長留劫火焦
掇拾蚤知珠泣淚
編排爲怕露晞朝
情深花萼文逾豔
夢入池塘境已遙
佇見殷勤剗剗就
印來名墨用蒲韶

飛蓋頻瞻桂苑中
賡吟練響勝絃桐
微生未逐應劉逝
良會仍多枚馬同
但有藏賤如脫簡
總教出手叶旋官
鴈原便作嚶鳴倡
珍重裘成集腋功

奉謝 皇四子 皇六子頒供藏佛

浮生夙慕清淨退
投老曰歸慙愧林
臨歧珍重 兩皇
子檀施欲分布地
金我從 皇子乞功
德七種聖財輸

佛力

以致瞋辭謝
以佛像請

像法住世留善根歡喜心生極樂國奉

佛闢佛何必同

皇四子闢佛
皇六子信佛

性海總隨諸筏通供養

承事得饒益呵佛罵祖仍宗風竊聞

皇子見地異甘

露門開疑有二我爲證明歸一空能捨真能作佛事展

軸翹勤細瞻仰寶繪精工窮梵相廓清三界振威神降

魔示現金剛藏天女散花龍獻珠波旬摧敗梟其顛騰

空慧劍普調伏仁育義正通吾儒靈龕別啓五軀塑佛

骨茶毗傍雙樹舍利同收育王塢印出香泥妙相具梵

書銘背想殉行爲呪爲經爲佛名但習華言誇識字今

朝相對晴空陸獨有一尊不盈寸云是大西天所獻番

僧灌頂髻中藏隨地護持蠲厄困我行水陸元無阻先
路更欣燃寶炬卽看瑞靄燭南天敢請離愁寬北渚歸
來丈室自垂簾祇將宴寂爲莊嚴真言曾探大方廣名
香一炷開經奩儻幸殘年獲慈祐少海餘波挹星宿長
資禪誦祝 國慶重到虎闌觀齒冑好憑香火舊因緣
留與兒孫種福田不羨滿籬常拜賜紫金光聚禮金仙

登舟三日雜書紀事四首

養疾久遲留拔足尙輕矯檐帷挾風翔白頭雙去鳥東

門資點綴獨愧吾徒早

門生汪經耘何縉華輩候於沙河門者二十餘人

逡巡

揮手別陳迹慨鴻爪前日贈言存

頃因袁生楚村文邵請雜綴三千餘字用

作贈言諸生
多傳錄者

立身毋草草於時季秋朔田野刈如埽境

靜愜心空緇塵著衣少跂望潞河灣昏黑行未了東南
大星上映水玉墀倒天文昧習見乍喜梳燈裊

城隅繞隄轉燈火真如星屑輿初涖止送者車已停登

舟見吾女

謂次女

迎笑如在京我心獨閉默明日難爲情

一男支外事行李方縱橫阿姊助摒擋杖履兼扶擎晨

雞旋催去南北分歸程母子抱持哭老夫涕自零蚤知

添此痛不如無此行還京見汝妹

謂四女

又將雙淚盈父

母總遙憶特憐汝孤螢汝女次及事

其次女字嘉善遠錢氏將有行矣

送行南征兩老幸無恙佇汝重歸寧

遠別苦悲傷長途戒憂恐忽傳淮黃決萬族委沈冢三

女方從夫湖壖一官冗時姚晉年壻方監掣淮上署當湖觜三女從焉驚疑欲

魂斷展轉徒衾擁更闌稍倦睡別舫頓呼洶濫炎去何

妄起篷頂爐飛汞舟人不戒於火鄰船呼救得免置身水火間上下際

占動正如湯瀾蘭必死乃惟蛹須臾幸撲滅實荷靈祇

幪中宵膽幾破老婦目尤腫救焚儂僅免拯溺彼方聳

心旌長搖搖恨乏鳥翼攬

防火幸風息風息舟行遲縈紆僅一舍糧艘正參差川

路淺尤窄緯繩交絡之我如在羅網寸步不得移無緣

遣鬱悶游思俄北馳同僚嬰罪罟時補亭總憲與蔣賜榮吳壇兩侍郎猶在

曹徵纒方侵肌解澤定非遠

倪倉場先已降職編修入直三公當亦即可徵恩也

我去弗及知何當傳好語快踰放溜時似此偶羈滯猶

復愁煩爲

題天津張氏思園

園爲張中翰虎拜別業張爲何縉華分校所取士

赤欄橋畔柳陰深未到閒庭生隱心高閣自臨人境外

清灣偏稱客舟尋

門有支河傳是元時海運入口故道

地肥霜老添新苗

樹密集多送好音曠望正饒平遠趣堂開寧必玉山岑

情深堂構署思園東望榆關世業存

祖籍臨榆有別墅焉命名思園者以此

乍喜水環垂釣石漸看樹引讀書根高談共羨青松

把雅詠初傳紅藥翻正恐他年勞侍直却從綸閣憶蓬

門

卅年宦海引船回小住西沽一宿纔旅次感秋佳節近

時重陽前三日

名園埽徑故人開移樽殊負延賓意

主人有雅設余以日

暮不及酌而去

攬勝聊同走馬催留飲便須經十日後期六載

儻重來

不寐

九月十一日時至青縣

耿耿憐魚目如臨沸釜驚睽乖判火澤離照飭戈兵妖

亂經年伏威棱計日平安流忘涉險暫遣警歸程

時壽張逆

賊王倫倡亂舒相國

奉命會兵擒剿

臨清感詠

并序

臨清爲充瓊水陸之衝戶工兩權在焉商賈輻輳間井
浩穰固樂土也余於壬子癸丑丁巳戊午己未庚申嘗
往來就館其地此邦人士如馬氏江氏馮氏亦間有交
酒之會自庚申入都後向時東道主人已去官卽世聞
其身後零落之況惻然傷懷辛巳春扈從東巡因得
重過曾作五古一篇志慨仍憶當日同事諸人亦更無
一存者頗欲一訪此中舊識而竟不暇及也今秋歸老
泛舟南下中途聞警觀望幾四旬達臨清城郭人民舊
觀頓失念余方困阨之際惟茲土暫爲棲寄漸得拊翼
奮飛今幸獲退休而舊游之地一旦遂至於此毋乃半

生之出處有與臨清相爲終始者耶感舊吟成聊敘其
未盡之意時乾隆甲午冬十月初八日也

幾度延薰清署

樵署題額

來長吟踞石蔭高槐劇憐花縣餘

芳歇

主人爲癸卯同年潘志霖瓏

不見漳濱倦客回豹尾幸曾參鹵

簿鼇磯

鼇頭磯關旁地名

猶得認崔嵬寧知投老重經處畫角

哀聲捲劫灰

南旺分水龍王廟

分風送客邾亭神分水通舟南旺靈三分助南七歸北
五雀六燕誰均停嘗聞清濟貫河去伏流迸出凌滄溟
海潮上擁滙於濼魚鹽之利傳千齡汶陽自昔濟所會

厥性當復如驚霆北東同阻泰山趾泉脈騰沸羅天星
珍珠趵突省區別陂澤鍾美留涵渟投閒似失川后意
職貢故當通充青一從運道界湖出引泉灌河相緯經
此中自是水府脊南北捷下皆建瓴哀多益寡勘調劑
沿洄那得齊揚舲騰波赴壑兩分背疑辨淄澠判渭涇
洛書左右列奇象強弱豈云惟所丁蓬山鼎峙待傾瀉
斗杓珠映懸清冷憑教測驗以枚數上不遣參差踰寸
筵銅壺殘漏爽分刻尙煩挹注重丁寧神功默運不思
議龍算雨點窮畸零水官受職奉水則如凜餘滴干天
刑九州方物展禹績五服田賦歸虞廷神倉轉漕去重

歲事銜尾翕集千浮萍河公於此擘樞軸斟酌羸縮隨
流形朝宗未得比四瀆委輸直欲瞻皇局長安索米往
來客共飲神貺宜鐫銘景福肸蠭寄噓喻秩祀永升明
德馨南三北七自幼聞之故述之云云篇中洛書左右
與蓬山斗杓皆準此及查明史史藁宋禮傳皆作
四六知其誤矣因循未改適見湧幢小品運河一條
正作三南七北未審同異之由然吾詩要自有本也

渡河赴清江三女來迎喜示一律

驚心幸免魚頭厄笑口方看鷁首回莫向關河問留滯
正從兵火避喧塵頻年美疢終無恙今日更生各再來
姊妹京華猶雪涕豈知迎侍已顏開

清江喜晤同年陳玉盟大復觀察

關門覓句心偏遠投轄留賓興自超笑我扶筇同蹙躐
愧君解組蚤逍遙驚波且喜南河定伏莽仍看東郡銷
垂老餘生幸萍聚劇談何惜久停撓

邵伯埭懷古

謝公初未起頗亦似殷浩泊乎賭墅勝已遣苻堅了平
時小兒輩未見處分蚤用意與神謀桓冲猶不曉却笑
老兵愚壁後人多少半生游山屐折齒應絕倒情爲國
家慶鎮物豈嫌矯宗社大勳成萋萋小人巧側聽撫箏
歌淚痕鬚上繞傷心華屋處夢協白雞兆風流擅江左
六代殊草草淝水忘指蹤英聲久縹緲至今甘棠愛徒

藉湖塠表一墩乃强爭荆舒故多擾

至日抵揚州東未堂

逡巡長至節寂寞晚歸人君已安魚媵

謝歸以三妾從

余方作

雁賓揚州花月好謝墅管絃新不爲渡江急真應住及春

同門共憂樂絕塞幸遄歸瀛海追仙侶萑苻脫駮機潮通三折水興劇一帆飛選勝西湖蚤還來訪釣磯

游金山作

金山正似天漢螺中江砥柱迴盤渦化城浮動俯無地
佛髻雲涌藏巖阿舊傳寺本就山裏山作漁翁寺作蓑

我來繚繞訪空界如入塢戶隨逶迤禪棲冥冥縮蝸殼
丈室歷歷懸蜂窠鉤心鬪角莫相讓雙樹失勢拳枝柯
妙高浪得美名耳山椒略取平不頗乍明乍晦迷向背
漸陟峯頂淩嵯峨海門極目一長嘯彷彿潮音通落伽
滄桑翻覆限塵劫幸免汨沒理則那景純有賦頌水德
墓石永避江沙磨相輪高揭送鈴語始悟別有窄堵波
江天閣已過塢半只恐更上驚羲娥左右迴旋自升降
晚齋集衆鳴靈鼉翠微行殿仰黃幄江操聞說森天戈
樓船環合演八陣風帆斗折龍騰梭却想韓家軍勢壯
此地設伏終如何定知兵燹少紆阻高下飛逐輕蓬科

欣逢 大閱海疆靜岷峨萬里流恩波武緯文經歸廣

運 祖德續述留賡歌緣廊石刻密於蟄乾文紉縵星

周羅玉局風流褒異代疊韻垂和追先河佛印故非真

佛種箭鋒遽足欺東坡我無玉帶可決賭默然但欲師

維摩中冷泉好沃江底神瀆上涌僧廚多品泉 睿賞

標第一證明法乳盈娑婆一椀初嘗風舉腋疏淪靈府

催吟哦病餘殊減濟勝具勞筋暫息忘驚疴山僧迎送

共趺坐談諧不厭鄉音訛知客與主僧皆浙人未知戒行具足否

得金頗羨裴頭陀釀泉香冽許酤我本山以泉釀酒是日買歸好飲

米汁宜無他日斜風急理歸棹登臨草草如遭訶檣竿

矗立對京口枯莖撼撼攢秋荷扁舟亦苦久留滯擬借
瓜步爲行窩泊瓜洲候潮凡十日當年南北往來慣幾回發興頻
蹉跎候潮潮阻慰宿願珍重江神邀我過焦山尙恨未
兼到何日古鼎還摩挲

輓親家莊對樵綸渭同年

竊稽循吏傳罕與孝義俱倫理信兼盡全歸應不誣莊
生齊年契作令東海隅自武康調定海撫字乃如子疾痛時侵

膚嵯政切民食紛錯元多途調劑實兩利奸蠹爭睚眦

遷牧向西夏

甘肅寧州

左降還東吳

左遷發浙補上虞仍調定海

大吏久

偏聽論議常齟齬因事輒波及苦將文法拘歸養本素

志再被降調寧計田園蕪高堂躋大耋尚撫荆枝娛尊

南廬相承明府暨令伯與常松承郡丞年皆八十餘林居樂志與常實姓癸卯同年也琴尊侍游

賞容色滋婉愉風樹豈常靜夜寒嘯孝烏耆年猶孺慕

卒年六十二不毀神已癯晨興示微疾引臂稍待扶寢食固

如舊醫師隔縣呼不知何所感預識年運徂頓作永訣

語恍心愁藐孤旋敕具廚饌招延同志徒談諧日將夕

送之臨路衢漫云傾別酒羣聽方挪揄明朝有他客迎

送仍階趨賓退返寢室趣召家人須據榻便瞑目危坐

非跣趺逡巡醫者至徒恨不疾驅有生孰無死茲死其

仙乎仙非儒者重性盡命不渝陰陽通晝夜夢覺隨朝

隨得正斃斯已闔戶捷轉樞寓言誇蝶化底用欺凡愚
顧惟至行備治蹟民信孚私諡不敢議薦俎陳笙竽定海
向有匪我婚姻故鄉評無墓諛忝附舊史氏誄德枯毫
生祠
濡采風俟異日哀歌先束芻

輓樂泉官傅

三天已幸同歸隱九老曾無一愁遺不恨仙階君上蚤
正緣塵劫我來遲性情自得林泉樂名位羣推保傅宜
溫綽垂褰恩禮重星官誄德更裁詩

輓毛鏡浦

輝祖少常

登瀛踰卅載老友得毛公竊喜論文契徐參養正功春

官聯事近秋，獨侍班同慷慨標真性，淳深見古風。病夫
輸體壯，別緒恨途窮。天府賜金重，星垣輓句工。飾終惟
禮備，感舊轉心忡。尚憶直廬接，隔窗燈影紅。

食何首烏有感

待得黑頭白，重飡何首烏。童年認佳果，大藥笑仙臞。叢
碧晨星盡，戊戌讀書范氏叢碧樓嘗攜餉同學不以爲佳今故友盡矣軟紅歸棹孤。
遇君嗟已晚，衰病不堪扶。

吳門喜晤同年張丹五

鳳書

郎中賦贈志別兼訂

後期

吾祖牧師宗，後來君秉鐸。饗宮附名宦，齋潔奠尊爵。孫

枝沐先澤杏苑偕看花齊年述遺愛歡洽猶一家中外
各浮沈仕途或萍聚所欣國子師春司旋接武吾衰宜
引去君方侶夔龍塵鞅厭羈束高蹈殊從容汎汎潞河
舟後先適追逐正如同隊魚沿流任潛伏驚波忽山立
迸散不復知安瀾重相值未須論速遲吳門一執手暫
作隔年別阿咸邀守歲小阮履觀攝令吳中君暫留度歲喜對竹林雪
時屢得雪開春撰杖屨灑落歸滇南不愁萬里遠侍行三索
男三子侍行屈指途所經恰應從浙水訪我共娛游西湖勝
西子

在淮或傳馮芍渠

元邁

親家物故到蘇把晤大笑

索詩戲贈一首

馮唐久不遇鬱鬱終晚達向使竟無年云何得披豁我

識大馮君

癸丑前輩載賡元欽掌科三吾婦翁也

清廟應疏越一朝玉樓

賦感舊每惻怛小馮古循吏所至民生活

自祁陽令遷忻州牧宦

海詫波翻棠陰嗟本撥轉眼靖風濤餘膏在株枿何人

傳惡耗塵世俄屣脫忘情吾未到燭淚欲流跋歸舟泊

吳門刺探稍窺闥逡巡知大謬聒耳恨鷓鴣明朝君過

我交手白鬚將失喜慶更生注死籍應抹君旋索左券

意取確不拔我筆良有神生機含潑潑詛祝損益間毫

端試迴斡

嘉興見錢文端公行述題後

嘉禾長水俗名還鄉水仕宦在朝者輒得

生還其鄉見公拜賜詩予告遂頤和還鄉諺如約句元注

已渡還鄉水長懷戀闕心
天閑憐老馬暝樹見棲禽
前輩風流盡歸途感慨深
神仙仍不愧勇退是知音

十二月廿三日將抵北關望皋亭山感詠

樓居參水觀山色對皋亭不厭吟
髭白長留老眼青移家違養志
埽地失先型夢斷仙游枕風迴
宦海萍輕舟趨梓里積翠認巖
扃攬勝心隨遠裁詩涕欲零

二十七日展墓

泉臺應復疾之憂歸棹偏教久
滯留涉險經時微覆露

平生急景傷松楸卅年儻訊登朝事百歲先防入地羞
魂魄瞻依容有待呼號那得淚痕收

靜廉齋詩集卷十六終

靜廉齋詩集卷十七

仁和金 甦雨叔

正月初五日立春作

乙未

裁返鄉園歲序新回思閭闔引芒神

每歲進春固禮官職也

仙莫

啓秀三居一時玉占豐臘接春

是夜復雪

未及浹辰頻歎逝

正須養性且全身

到家纔十日而親族逝者三人

湖山轉眼韶光滿花

下傾壺草作茵

九曜山展大兄墓

陟岡瞻望夜臺深閒客稀來未易尋宦蹟正看留澤潤

書香何意任湮沈應憐棣萼將飛片猶作鴿原長慟音

不遣風流悲頓盡文章傳世重兼金

龍門山展大姊墓

十載重尋老姊來龍門松徑幾徘徊供餐尙有燃鬚愧
犯雪還思詠絮才且喜靈椿孤幹健劇憐玉樹一枝摧
湖山我亦全歸近神遇談時笑口開

酌表兄周幼聞秀才墓

有序

幼聞名二學自號晚菰其祖與先祖師宗公爲友壻幼
聞於康熙戊戌己亥與余同讀書范氏叢碧樓以第一
名入仁和學文望蔚然厥後放情書畫古玩學殖漸荒
家計日消乾隆丙子秋嘗訪余於當塗別去不久遂沒

僅存一子治同餬口於外余於己丑歲舉其父母妻子
以下四代八棺同葬於方家峪之觀音洞側今歸始得
展視焉

霜零蔬圃晚菰寒四世還看窀穸安豈謂逢時非利器
未妨鑒古得清歡雙橋別袂同魂斷叢碧書帷憶漏殘
舊戚小年成執友忍因宿草淚痕乾

初次泛湖大雨終日戲示周甥豈凡外孫汪潤民

如洋
兩秀才

晴好雨還奇湖船署總宜我來初放棹正值散如絲聊
憶煙中景應催象外詩篷窗從漏濕樽酒莫斟遲寒意

留芳信春游佇後期空歸慙二妙笠屐且娛嬉

聞同門潘雲麓隴太守已葬

方寸鎮惛惛朝來好語傳故人猶有子吉壤得安眠已
矣萬金盡危乎一綫懸老夫聊弛擔思舊轉悽然

海螵

等是青螺種居然厠海鮮藏頭終不免斷尾復誰憐頗
類空螯嚼裁餘紺髮拳椒鹽宜和味櫻筍伴登筵相對
聲如嘯徒勞口有涎賦形慚瑣細議饌謝葷羶呼吸通
來慣泥沙漉取專江鄉占夏景何意得春先

謝李生檜亭

培植

餉海味鮮筍

李爲癸酉典試山西所取士時攝臨

海丞

海物紀惟錯細大雜鱗介味足供庖廚狀不厭醜怪李
生滯薄宦僅未到海外烹鮮艱遠致利用魚鹽賴焚枯
投我好幾欲却車載石首舊曾諳松門信稱最不隨冠
冕去剖腹泥沙曬別種具蛇形銜尾縈綬帶舉之若引
繩漁師無此快水族火爲名名實頗相背肖形微有省
釜上似加蓋火魚卽俗所
謂鍋蓋魚也螳附馬刀傳實衍璅蛄派腹
蟹自雙莖出入了無礙嘗從乾腊驗博物宜體會類書
附螳
於馬刀之下箋釋殊略余每從螳乾
兩管中見蟹如蠅頭殆卽璅蛄耶 腥風資洗滌苔紙
疊紫菜蘋蘩蘊藻間芳鮮邁流輩況有玉版新茱羹正

相配羅列富盤殮便覺席端隘咄嗟慙未辦尊酒缺同
對報謝先以詩髣髴海錄碎

餅梅漸落詩以送之

佇興遠探梅濟勝倦支策健步選繁枝折取不容惜資
瓶助清供靜對作主客妍姿含雅韻點綴間紅白吟成
似相賞香送慰幽寂殘燈照疎影人去情脈脈幸列几
案間不愁風雨逼細蘂椒目張嫩葉麥芽坼辭枝失天
全得所仰人力逡巡半月賒書幌共晨夕菁華有時竭
妙果證空色送別幸遲遲詎同隨使驛款語賀梅生飄
零總茵席

檢得 皇五子榮純親王法書一冊乃自寫所作

古今體詩共八首籤題竹窗雜詠其後跋云余

酷嗜董字故擇舊稿中所得意者倣其跡錄若

干首

云云

謹錄寄

皇四子履郡王附詩申意

榮邸遺篇什六丁雷電傷人間歎煨燼天上闕琳琅乍
檢法書在驚看佳句藏揮毫聊倣董鍊格直追唐維昔
疑刪逸於今幸補亡興原同杜老才尙憶陳王愛子方
聞訓皇三
孫尙幼難兄佇啓囊編成良可續帙散合重裝移
刻催鈔畢因風遠寄將金流還聚冶玉碎總騰光感涕
西園舊愁心北渚長仙凡竹窗隔獨立轉蒼茫

小有天園

南屏有精舍舊榜壑菴留湖解迎明聖園應奉豫游

天題標小有客棹翦中流輦路花林密巖阿竹徑脩軒
窗皆碧映亭榭總嵐浮得地蓬壺隱迎鑾雨露優心

傾紀 恩詠目仰 賜書樓勝閣形殊勝幽居洞更幽

煙波臨浩渺風穴懷颼颼疊磴坐添席樛枝冠避鉤琴
臺想虛籟山溜匯靈湫偃樹成橋度奇礪列筍稠苔深
封篆籀藤古竄蛟虬占易家人吉摩崖筆勢遒禮經誰
附錄涑水企前修一自 雲章煥無勞石刻搜昔年虛
扈從今日任夷猶好景苞含富同儕指點收莫嫌田鼓

開還趁歲功休豐稔知咸慶蕭開始自由

重過藕花居追憶質韋十八人中惟王教授晚滋

瀛洲

同年及姓在感詠東王

五十四年隨逝水扶筇還過藕花居慙遺二老風流在
同荷三朝覆育餘文酒賞心成昨夢湖山聚首待幽
墟蘭亭陳迹猶堪訪逸少真應感慨書

三月三日未及出游作此解嘲

明湖何必減山陰却向窗前禊帖臨客少漸辜浮白興
體疲空抱踏青心招魂俗說元堪笑曬藥高人不可尋
彈指清明連上巳松楸還望兩峯深

出清泰門沿河塘至艮山門覽野景成詠

暇日足娛游鄉關慶清泰和風送輕軒間作櫓聲碎沿
塘東北去認取沙河派茲水實城濠雉堞互襟帶側想
十萬家喧囂逼於內隔成幽靜境客氣頓敎噫於焉收
野趣點染憑大塊桃萼正紛敷菜花已繁會恰喜散花
天飛行布金界果蔬佐民食膏火亦有賴菜子兼以取油寧供
耳目玩景色自堪愛兔葵及燕麥非種盡芟刈爲營園
圃利疎密結廬在牆陰桑未綠拳曲餘古態橫枝傍阡
陌過客避冠挂森森列脩竹風入鳴竿籟屈摺借編籬
櫛比少穿壤形殘性猶活翠色留煙靄僻逕每紆迴柴

門隨向背不厭村墟孤更欣衡宇對暫似涉山林彌覺
薄闌闌令人生隱心未忍出其外艮山俄在望境止故
應退目謀催腹稿卽景了詩債意興轉飛騰豈必斯游
最勝絕羨城西湖山富天繪花事鬪春妍舟流唯所屆
終當以樂死逸少語殊快

放生池

西湖元是放生池底事中央賸一規靈沼拓開添月暈
恩魚望幸識珠旗橋形宛轉通波入閣影參差傍渚移
幾樹桃花間紅白秋來惜少拒霜姿

五十年前環植芙蓉今已盡矣

清明後埽墓旣徧感詠

松楸無恙夢猶驚省墓依然似踐更

乙酉暫得請假

馬老竟須

因病放鴻飛久已賸孤征難將白髮隨絲染莫厭青山

有哭聲麥飯紙錢親料檢者回不愧過清明

淨慈寺文昌閣公祭呂田兩座師感詠

田師詳丙辰詩呂爲

新安光祿澗樵謙恆先生時門生在列者唯王琬華及姓二人此外門生子三人孫一人

回首槐黃歲幾更幸傳衣鉢得歸耕

二公皆得歸老林下

好從座

主申蘋薦重待門生聽鹿鳴

閏八年復遇癸卯科矣

俎豆長新憑

世契湖山共樂想神迎文昌高閣翹瞻在暮雨回舟無

限情

南北藏書初聚三俊檢理不遑戲示一律

珍重傳家本一經百城絡繹啓嚴扃借看尙擬隨鵬送

失曝安能免蠹腥

留杭久者多蛙

竹素游心含古澤丹鉛著手

發新硯小兒不恤編排倦博物方堪字辨麤

三俊小名也

過龍井不得游旋至雲共庵供佛飯後就浴已還

經淨慈僧實蔭邀入茶話薄暮始歸時四月六

日也

山含太古靈遭遇有顯晦龍泓迎翠華邱壑頓殊態

真山作假山攻璞豈嫌碎點綴勝天成片雲增黻黼

龍井

石之著名者

名一片雲松篁交掩映苔色染深黛亭臺高下列一

一宜靜對不教游屐擾魚鑰典司佩我來空悵望神往

繚垣內

杖藜尋舊蹟，揭來雲共庵。當年述先德，燈影依禪龕。

秋大兄命作先慈行述，曾借寓溪閣中。隨緣飽齋鉢，尙思分芋甘。華嚴陸

續寫十載留經函。

向寫華嚴經，嘗寄藏庵內。

幸蒙佛力護，終卷無白

蟬。淨財聊設供，祝願餘香醺。主僧閱三輩往事，不悉諸將毋焙茶急妨此一出談。

疾痰迭相纏，三年不得浴。頗聞情淨身行來，還洗足僧廚功德水。炊煖注深斛，滓穢幸蠲除。根塵愧潛伏，追思抱疴日。此境那可復，正似出盆初。文祿重綳束，泥逢四月八。緣豆雨方熟，佛前充化生。離垢聞付囑。

日昃出山去繞湖經淨慈喜逢香市散獨往殊委蛇塵
緣起空界迎候煩導師紆迴入方丈畫壁徒蹲獅縱談
天宮事選佛誠有之實蔭由萬善殿教習期滿選主方丈禪房差可喜
竹風臨檻披茶甌擬甘露醒神良在茲旋隨晚鐘別聊
訂重來期

謁于忠肅公祠

宦者星明帝座危却從沙漠望龍旗書生勇奪三軍帥
大厦功成一木支冰上鷺飢含隱痛湖中龜圻驗先知
英靈千古容神遇往事元同噩夢推

戲詠貢院號舍

打頭矮屋接魚鱗明遠樓邊號舍新同巷編名如保甲
比肩事主卽臣鄰台階兩兩分行直坤卦重重畫界勻
興嗣千文徵幼學高才覓路免逡巡

邀陶軒小飲因共覽打字韻詩翌日依韻見投復
和一首

禪機近科譚不打乃卽打險韻怯重賡卜多空碎瓦爇
之樂觴詠如坐蘭亭下旋揮鼠鬚筆道媚喜增妍見獵
肯忘之忍俊不禁也祇愧蝓蛄丸蘇合彈齊把紅餘檢
新刻時大姊紅餘
草初刻成蚤歲共裘治比似定何如傳面恐調
赭

昨以渣斗贈陶軒卽承疊韻致謝再荅一首

常笑孫家兒古物乃輕打矧同琉璃脆易碎莫如瓦

全賸渣斗

追感過臨清時事

品列尊俎下銘詞慙俚質

余就浮梁燒造

時題銘云含英咀華吐棄渣滓于以盛之維斗所指彩飾眩童妖聲價藉清篇渠

盃齊珍也開緘當晚食屬和趁杯把君方發新硯我已

罄坯冶引滿索枯腸肴蔬淨於赭

題淨慈僧實蔭西湖放生圖

衆生具佛性樂生惡死同業報以時現如在鼎鑊中飛
者不得翔潛者不得逝鱗羽身外觀刀俎意中事有大
善知識悲愍衆生苦贖之捐淨財縱之適樂土西湖大

圓鏡本是放生池雲飛及川泳高下隨所之爾時親見
者合掌齊讚佛我僅得披圖生趣猶髣髴顧我竊有說
試作轉語參殺生有分限祇由口腹貪不在食例者漁
獵本不捕慈忍非有殊以無可貪故得因放生售羅網
乃愈張借擒以爲縱緣愛反致傷徒見有命生頗累無
辜死敢云放者累患以命求市不取亦不放古語良有
然我欲倣斯意彼此全其天放之期得當去先爲辨所
取彼自得其生汝何納諸罟使汝無利益於彼無摧殘
但放所必殺有生皆得安我未證圓通妄生分別相將
毋師所訶卷圖重回向

閱夷堅志王集下孫十郎放生
一條乃知觀世音固嘗示現戒

訓如此庚子三
月初十日記

姚蘭坡

思廉

大令晴川煙樹圖

圖爲董文恪宗伯作

宦游隨處戀清暉江漢風流玉爵揮仙令酒邊凝望遠
高樓正見白雲飛

楚江直接蜀江源江樹遙迎煙景暄萬里行來凡幾度
使君只似憩棠村

陟岡曾到漢江邊風雪蒼茫歲暮天四十七年彈指過
更從圖裏憶晴川

雍正己酉曾赴大兄漢口署過之

妙蹟驚看北苑留楚江清曉定誰優南宮聽履追陪久
檢點都無一卷收

寶蔭送荷花以詩辭謝

上人示我青蓮華揮手任隨捨筏斜現前妙果不證人
衆香國裏誰安家試從餅中看開落小劫成壞空咨嗟
僧雛赤日煩遠送行脚如此何爲耶西湖便是華藏海
十里荷香寧足誇但能自度泛舟去瞻禮佛座恆河沙
不須拈取一枝笑鼻觀髣髴香雲遮散花不著驗結習
天人說法元無差我雖未斷分別想空色漸欲芟根芽
寄聲又犯綺語戒汙泥忽染慙纖瑕

楊梅

獨有君家果因名得姓奇不須愁弱刺何必裏妍皮待

熟隨盧橘奔波笑荔支漫誇犀浦道鄉味隴中知

楊梅
隴在

西湖
南山

新作家廟六月望日安神祭畢述事

大臣不作廟於古乃遭劾官貧禮亦簡祭寢了無惡吾
家家廟制正倣神龕式創自師宗公版位共鐫刻始祖
迄高曾八世仰燕翼自右以達左層累如階陟傳家屬
大宗分非支子得宦游奉遺像南望徒喟息歸休賃宅
定先務妥侑亟舊制稍變通昭穆序罔忒界作閣三層
兩版擬屏植上由高祖上派溯始遷極音容縣七代展
軸影堂憶中爲曾祖考三代本支直稠疊荷 恩綸晉

階超九棘改題舊分奉合享新袞飾金泥永輝煥寧復
調粉墨小兒雖拙書勉効弟子職下方虛席待百歲惟
我卽設主始余身別子啓門闕亡婦太原君先侍舅姑
側未及奉蘋蘩念之殊閔默懷桷具體微樸斲凜遺則
神靈幸來舍祀事宜祇飭霜露感非時捧奠俄哽塞病
骨久支離拜起戒顛踣嫺族本無多子姓類孤特雁行
餘從弟髮少一莖黑相率觸熱來庭除乍逼仄禮成旋
徹饌燕飲日行晷漫云酒旣湑愧無牲可醺座有老姊
夫八秩轉勤力衰宗鉅細事一一能究識慨然述興替
滿席爲動色舉觴齊祝願誠懇形悃悞但詠楚茨詩介

福歸祖德吾宗自十世祖存善公由紹遷杭是爲始祖
七代合軸傳自先祖師宗公者姓昔臨供京邸其家廟
與祖考二代栗主例歸兄孫奉祀姓今立廟謹自始祖
至高祖共一版位奉之上層而以三代合位奉於中層
下層爲牲異日棲神之所元配王夫人歿經四十九年
主久寄供九房家廟茲始奉歸暫以附於中層之右側
焉其會祖考妣之主向歸伯祖子孫奉祀姓三遇覃
恩游由卿貳加級照從一品請封歷次奉主改題後仍
歸各房承祀改題頻換紛墨今設版位則繫用塗金鐫
列贈銜邀恩已極亦更無可改題矣姓目昏不能作
楷皆命三俊書之闔族僅存兩弟是日到者祇信川一
人而懿戚則唯陶軒耳

大姊紅餘草刻成題後呈陶軒

莫訝謝元偏重姊祇應鮑照是難兄

謂大兄

竹爐火候宿

根悟

姊幼時誦竹爐湯沸火初紅句輒請於先太夫人
日湯已沸矣火始紅耶先榮祿公異之遂漸教以

作詩法

柳絮才華窮境生水觀清吟追綺思萼園雅詠繼

芳聲小來便誦紅餘草老去還看鏤板成三紀星分阻

談藝

姓自丁巳出游遂不復與姊相見

一編手訂飽含英定知泉路憐

余弟猶喜芸牋聚我甥

諸甥哀集乞余校訂

館號遲雲無變滅

萼園

遲雲皆王氏山館舊名也

集標今雨偕敷榮

先榮祿及大兄暨甥詩擬總刊今雨堂集

頭六十年前事讀罷誰禁涕淚橫

爲張燕田

樞

秀才昆季題尊甫樗園

緯

畫冊

古人讀父書想像見手澤若遺託丹青一一留真蹟應

知孝子心珍重逾拱壁樗園張先生詞場實雄伯文心

苞萬象真宰乞

去

靈液詩境畫禪通點染性情適生態

隨筆呈觸手如可摘抗志薄青雲擬著金閨籍聲華振
輦轂綸閣自朝夕羣公方進牘藝苑待推擇却怪鄭廣
文嘗爭畫師席逡巡京兆試霄路鍛鸞翩歸護北堂萱
毫端花圃關平生不多作作亦自矜惜緘在愷之廚肯
容廚背坼仙才信知命逝景驗駒隙絕藝世所希潤色
玉樓借六丁雷電下破壁窮搜索哲嗣迭驚呼安能拔
火宅零落向人間存一已亡百流萍去江海寧返舊灘
磧神物故通靈孝思乃誠格觀書偶適市瞥眼家珍獲
贖取索價高藏名漫回易寶玉竟來歸仰笑共脫幘親
朋詫奇遇走看錯履舄巧匠重裝潢古錦藉雙冊啾啾

三鳳鳴至性吐肝膈誰爲發揮豈二妙汪與翟

先余題者爲汪

師李沆翟大川

我步後塵來自愧浮屠躡轉憶昔同游清談

風舉腋快事有如斯那不助浮白

銷夏雜詠六首

何策能令朱夏寒埽空熱惱在心安鯢鵬變化雲邊聽
燕雀生成屋角看漫說青松堪架壑未妨惡竹許留竿
炎官有繖憑輝赫金火乘除指一彈

逃暑無如蚤泛湖靜依柳幕數

上

荷珠移情便覺水香

透歸路仍敎火宅拘曲檻引來風繞隧高篷遮得日藏
壺此中自有清涼界藤杖閒時不用扶

扈蹕頻年向熱河，僦居却似寄生螺。
炎歊不惜歸鞍晚，美蔭惟貪官樹多。
屈指瓜期占落葉，驚心烏織暫停梭。
卽今蕭灑還愁暑，檢取囊中舊句哦。

試從靜躁驗幾微，結夏惟應晝掩扉。
爲喜晝禪時面壁，却防碁局累心機。
抽思乍逐鑪煙裊，伸紙常停羽扇揮。
天趣自超人境外，冷然便欲御風飛。

從來憂國願年豐，蠶麥兼收耕織功。
正恐亢陽艱插穀，已聞甘雨趁交風。
恩施爲遣霑膏澤，餘力先教解蘊隆。
飽食可期安寢足，不愁銍鋌逼人紅。

小醜逋誅歲月深，決機采入自天斟。
兩軍勢合催三捷，

一舉功成駕七擒
兔眼蚤迷旋埽穴
鴞音欲革已焚林
雄風萬里同披拂
分被蘭臺宋玉襟

郗報大軍離勒圍不過數里

讀明邊貢謁文山祠詩

人心未去一身肩
忍死拘幽氣浩然
殘局豈甘閭廣棄

橫流姑讓陸張先
勸忠生祭情殊厚
避難歸鄉語浪傳

丞相自分一死黃
冠方外王積翁代爲之請而
史誤以爲丞相語耳見文燈巖德翼宋史存
千古西

臺聞慟哭頓教龍
蛻海爲田

信國爲神龍降生詳見本集

六月晦日作

大暑閱三日輕雷聞一聲
滴瀝疎雨過颯爽涼風生
於時初入伏執熱愁先庚
忽然得此快失喜翻成驚
明朝

七月朔蓐收新令行炎威遽退舍虛室含餘清臨紙腕
增健對書眼倍明乃知秋節應頓教人氣平金火互消
息尙有陰陽爭朝夕聊自適樂詠詩因成

閱文選漫題四絕句

鉤弋回頭了不矜長門那復舊恩承相如詞賦文君酒
應藉虛談聲價增

河梁猶憶別來初都尉曾傳第一書重答試看誰手筆
笑他賈古鑒裁疎

常愁煮豆便燃萁賚枕偏教慰夢思想爲借價銅雀伎
注家孟浪託揆奇

蘭亭觴詠會羣賢揮翰誰居逸少先斥去正爲絲管誤
文傳聊遣附書傳

題吳宮教戰詩

借人行法已傷恩寧比軍中女子存彊以所難徒見笑
殺之不武更何論兵威自足摧勅平敵國難終教悞末
孫烈火有時燬禍水冤魂應結苧蘿村

孟勞詩有序

昔年扈蹕出塞雲倬聳曾以小刀子見貽其刃本鑄一
孟字因戲名爲孟勞佩之往返咸獲平安善物也今林
居無用而聳以舍人遴直機廷常與斯役聊復轉贈侑

之以詩

出塞別吾聳臨歧憶贈刀分明鐫孟字留識衛賢勞
躡蹠精神壯從畋意氣豪林居徒結佩鋒斂漫垂條
臥看翔綸閣遙聞侍彩旄正應資利器常與伴簪毫
仍迭長征客聊依短後袍祝同傳硯例文武柄兼操

芝臺歌

書案四尺強廣減十之四其檣飾靈芝四面共十二
初髹炫丹漆繼遣蒙烏皮年深漸摧剝朱裏映衣緇
我從幼時見頗復諳本末昔在水觀樓供佛列銅鉢
滇銅鑄觀音像今在九房其三足八卦銅孟鑑久不存矣
吾家旣蕩析家具存者稀此按遂

流落流落知安歸規矩用高曾器亦貴求舊雕刻憶芝

房漆采況如繡偶從吾甥訪

向王氏次甥物色得之

歷歷傳形模

印合審如是負來馳一夫騷除出竈下幸不逐桐爨剝

膚行見骨跛足愧立幹驟見已失喜喜極旋咨嗟呼兒

俾修整速付梓匠家不唯漫日諾意似無足珍理舊費

物力厥費堪圖新我乃更長吁此校閱前代傳自興化

公同時物尠在及爾唯元孫失之幸復存爾又見孫輩

良足貽後昆癡兒得聞之意亦頓踴躍攻木設色兼兩

工遞催作加楔轉堅壯位置平不頗漆光墨玉照硯沼

輪新磨重得近書香主人正煖席彼旣脫塵滓吾尤念

先澤保全待返璧吾甥寶有勞勝遺青玉案報以海舶
刀以指疊小閒凭顧兒曹世說記髣髴我若不隱此汝
那見古物

邀陶軒小飲湖上戲柬

乾隆乙未四十年兩人一百五十八新秋蕭灑上湖船
勝地探尋隨佛刹君猶捷步每嗔扶我已支筇似遭朋
爲憐寺主錫忙飛過淨慈聖因翻訝應真頭枉髫間臨
荷蓋數上潛魚靜然柳絲聽嘶蛩酒樓近接惱安禪飢
火熾然參戒殺三蕉卷葉滅浮蛆一尾烹鮮同祭獮陶軒
性不飲又申約但許烹魚盤餐草草愧空螯諧笑云云嗤沸鵠解頤

那復愁耳聾舉筋未須嫌齒齬回風乍蹙水生鱗涼笠
還思首加帕藉看好景任舟膠正學退飛憑羽鍛却憶
乞歸勞遠望預訂同游馳手札今朝幸得鏡匳窺此身
竟向緇塵拔清娛有意誦逍遙險韻無端摹軋茁騁懷
游目總陶陶見巧因難忘夏夏一時嘉話付兒孫

時次中際

泰陽崖兩甥及甥
孫實齋學誠侍

二老風流半癡黠

大恆

明中

上人南屏放參遺照

白象孤行以無侶故慈愍衆生時時迴顧空山無人寓
清淨身幻出羅漢貫休寫真本無我相未離空色電轉
圓光自性自識

圖係自寫

餘事作詩亦爲本分仰荷

天褒

宗門流韻

乙酉南巡
黎消蓋飯孰爲本分孰爲詩

賜詩云借問閭

我來佛後

未嘗
相識

聊參畫禪神游可遇慧日峯前

埕在其下

八月二十五日先公忌辰也先一日祭於墓述示

兒輩爲後法

古人重廟略於墓墓祭後起禮則均祝主祝訪竟安在
於彼於此常逡巡形魄歸地地有定能待東西南北人
秋霜春露蛄蝼陟紙錢麥飯同酸辛顧惟上冢猶有關
終身之喪傳忌辰奠觴未濕墳上土泉臺咫尺愁含顰
先期一日走拜埽祭之明日廟享陳求諸遠者反諸近
優見愾聞彌得真此禮不須追本始有其舉之良可因

我今初舉自普福子孫繼代期永遵非時薤草失先戒
自有腰鎌月半輪鱸魚菰菜賦歸足及時桂醕方清醇
祭豐不及養之薄薄物追養徒沾巾寸心正可作久計
薦馨但取終吾身經傳後嗣詠明發感懷二人惟所親
親親在昔有隆殺如諱去故而從新但令昭穆遞相及
接武蟬聯情畢伸若教藉口戒豐昵不數人必疏宗祀
湮吾親鑒此應垂許蚤看墓道除荆榛日斜掩淚出山
去來朝尙欲羞谿蘋

九月六日舉六逸會於湖上時陶軒年八十四晚

滋七十八胡桐峯

際泰

別駕姚素山

遠翺

郎中

俱七十二汪蘭崖

世勳

員外六十五余七十四

六人共四百四十五歲均之則各爲七十四正
與余齒同特羸一耳詩以紀之

秋景湖頭畫不如竹溪高會訂期初七賢把臂何妨闕
五老游河幸有餘攀桂隱成宜釀酒思莼味好稱烹魚
笑將齒錄通融計勻作希齡又四書

范魚南

嘉治

寄梅遺照

十載燈前別

乙酉假
歸見之

相思懶寄梅祇期投紱近共得看

花回逝水嗟何急名山閱不開南枝仍好在北客獨空
來寫照留疎影吟詩託夜臺桐孫多逸響鶴子實仙胎

香雪海憑泛羅浮夢莫催維余驚宿草樓笛助生哀

九日陶軒邀往韜光登高作

鷲嶺勢高騫龍宮蟄其內海日與江湖何緣俯相對故
知韜光庵飛錫離塵壚二老擅風流招邀簡朋輩擬陟
萬峯巔未推雙樹最探奇由右上漸出繚垣外一山兩
山門甘露豈殊派筍輿摩石磴欲進只愁退百級順螺
旋斗折徑逾隘高下竹林深雜樹莽翳蒼陽光殊罕曜
衣袂潤蒼靄晚桂發幽叢天香餘醺醕泉流布蛛網竹
筍當去溝澮屈曲赴僧廚橫道履闕礙杜老水筒修維
摩香飯勾尋源上高頂爲恤僕夫憊三息始畢登支筇

強行邁絕境得禪棲微旨別峯在瞥見古仙人袖有青
蛇挂出入二氏間黃龍嘗授戒左轉度慈航丈室且茶
話靜悟道芽生 宸章凜銘佩

林泉自道芽丁丑南巡
御製和白居易韜光

詩句清池聊倚檻金鯽泳隨隊坐久頓忘疲上方窮眼界

更爲之字行三畫遂成卦虛殿啓高坪翠華迎一再雲

岑淩日觀

天語乾坤蓋

雲岑日觀四字
辛未御題額

循階同騁望

遠景良可繪是時山霧蒸風師停鼓鞀日光乍穿漏雲
氣常霽黴江海青茫茫南荒空決皆攀蘿尋古洞丹鼎
想曾焙玉液未全枯一勺那堪漑居然育靈物龍子潛
養晦元衣朱中單繞腹錦斑碎其形類蜥蜴致雨著前

青原齋詩集卷十一
載漉取了不驚可狎彌可愛截竹袖中藏解遁亦無悔
官司勤請禱置此若遺蛻我欲試其靈不妨嗤狡獪興
愜別僧還勢逾赴壑快山莊領佳設有肉乃無菜當杯
莫停手行炙皆飽噉飯罷過雲林濛濛綰山帶煙暝趣
移舟淅瀝響篷背吾龍方踴躍神應吐霑霑奉歸盛佛
鉢霑足行報賽風雨應重陽不阻登高會回首隔層嵐
松篁送虛籟紀勝演蕪詞憑君淨芟汰

寄三吾

樂境應教游子知脩然病退勝求醫未能止酒何須醉
除是無題少作詩得伴且邀湖上去杜門還向卷中窺

心閒隨事堪娛老遲爾歸來及見之

時有歸信

晚滋招飲山齋兼看鬪蟋蟀晚得快雨喜詠

新堂昔曾到檻外頗猥積坡陀瓦土中荒草得其宅今
來換佳境蕭爽山庭闢奇峯訝森竦礪戶窮疏剔餘勢
起花臺三春添景色亭亭兩文梓寶樹應嘉植幾陷榛
莽叢茲焉逢拂拭

晚滋二子長君友仁錫食餼有聲无妄見黜故寓意慰之

自足致

青雲佇看垂翠幕好鳥送和聲雕籠想殊適鳴秋況有
託蟋蟀實雄伯殺氣稟金行同類慣相賊主人馴養足
娛客許作劇無復盛於盆驅而納諸柵正如壁上觀四
座皆屏息激怒借枯莖開關延勁敵信犬競磨牙鬪雞

先鼓翼中休疑兩解決勝厲一擊折旋方寸地噤齟不容
容壁俄然失聲走頓欲舉身擲拍張誇得氣喙息避追
北更番驚對起賈勇快獨克顧笑力空勞白戰復何益
却須蓄精銳俟博廣場獲試詠幽唐風古原無此役罷
局且登筵芳肴列燔炙急觴濡渴吻引滿少餘瀝龍公
方助興澍雨暢靈澤卽日米價平有飯得飽喫我曹續
良會湖漲探新碧此雨亦催詩聊學蛩吟唧

沈耕山

逢舜

明府遺照

嚴州建德人丙辰進士歷任清澗臨潼令緣事左降

去官長子思睿嘗受業於余

沈生昔就京兆試負笈遠自關中至升堂拜述阿翁言

嘗恐名場競時利先生門仞峭壁立熱客經過慙停轡
儻容一席傍文壇稍冀三餘窺腹笥耕山明府我未識
那得知心勝把臂卽看訓子以義方父母斯民定循吏
幸聯臭味託神交正復抗顏何所避我兒況亦解操觚
別室埽除同講肄爲文本自有家法追琢裁加轉醇粹
恩科特舉春易秋我向西江典文事歲杪適征初夏旋
吾徒報罷驅歸騎三月寒窗燈火親無能爲益徒滋愧
燕雲秦樹兩迷茫相思不在書頻寄十年美績自流傳
西土口碑多可記發奸摘伏豈矜才造士養民惟本志
名材齊向匠門收三獻曾無一璞棄

三與分校

邊陲頓遣慕

儒風經術自堪興吏治始從清澗抵臨潼剛氣消融柔

道被昔因教子想教民竊幸揣摩無少異或傳隨牒入

都門白璧微瑕寧足累郊居客到少盤桓一見紫芝心

已醉懸知鵬路正搏風何意雲逵姑側翅人思小試雨

膏霑自愛故園松菊植桐江照影有餘清建德之國真

福地歸來便與散仙同仍以文章自娛戲逍遙山水繼

前賢鄉國儀型傳後嗣治生但解授經簾繕性總教書

忍字令子述遺訓如此飽聞格訓企高蹤常想買舟躬接待豫

章再使過嚴陵杖履行游嗟不值鴻飛寧復認泥痕萍

泛尚期逢水次邱壑偏容蒲柳姿霜雪尋凋竹柏翠幸

於昨歲乞身還遙憶陳根徒制淚哲嗣銜悲奉遺照
酒方爲寢門位更憑累上德表貽謀願保家聲無失墜

酌倪山友先生墓

爭看著述滿家存

著書十七種共七百二十卷

誰測崑渠

先生別號

星宿

源六藝一書應告備三才四尚共探元未堪王粲傳文
籍聊比侯芭受法言藉手總教登秘府奠觴猶不愧陳
根

聞陶軒談蒙堂紅葉之勝神往率呈

丁茜園文衡先生有蒙堂

看紅葉詩環麗賦目姓弱冠時於其甥汪積山先生壁間見之卽知有此勝境今五十餘年矣竟未

一到

蚤識蒙堂秋錦好
茜園奇句粲天葩
三千界現空中色
五十年留鏡裏花
笑我獨吟楓葉冷
輸君高挹赤城霞
卽今預訂重陽後
更訪紅于閣在耶
聞閣已不存

偕周復堂

治同

展其先墓感詠

四世裁看賸孑身
老夫那得不沾巾
感時霜裏飄零葉
弔影風前拜婦人
未必停車常酹酒
祇期枯木自回春
殘年願協添丁祝
一髮千鈞藉引伸

閏十月朔省墓示三俊

乙未閏十月候朔引陽琯冬祭固有常
況乃先祖誕

前月

朔爲師宗公生日以

阻雨故墓祭皆後期省墓因而重禮
殺取情滿酹酒紙

灰飛臨溪手頻盥石界剔苔封松球瞻翠繖周旋南北

山普福嶺在南山碑街放艇暫蕭散頗厭酒樓喧聊向

禪扉款應真禮新像聖因摹刻貫休十六羅漢姓施金成之不學右肩袒

於時晚齋罷歸棹乃殊緩支策語吾兒應知愛日短

謝聖因主僧中立實堅貽石刻觀音羅漢搨本

應真有瑞象神變不可測或感通夢寐或傳寫筆墨或

寓形土木或結體金石但乘靈光到實際現空色信心

悟端倪妙相表殊特化身千百億隨地聽飛錫聖因留

寶繪傳是貫休蹟供養梵王官遭逢 天帝釋雲章徧

題讚位次重稽覈證果十六尊誰歟超法席觀世音淨

聖獨讓普門關參承大雄氏領衆實禪伯沙門共崇奉
永託貞珉勒寶幢中殿起風雨無剝蝕善信助檀施列
塑如拱翼林巖容宴坐面勢宛相覲南楹窳堵波巧匠
窮雕刻配殿有孫氏捨建木塔三乘兼四果層累猶階陟護法聚

諸天修羅遙辟易七匝遞圍繞北鄉仰佛國應知毫端
現亦在塔中息德雲住別峯何必本山覓彌勒閣外來
閣中原可識無來卽無去空界總充塞執著色相觀誑
語疆別白我猶染淨妄象敘事嚴飾願憑摹搨本瞻禮
幸不隔導師示津筏金粟影堪借現身期得度說偈頌
佛力默許證明之眼前諸古德

題山陰言氏大宗世系後

有序

言氏以在山陰者爲大宗其在常熟者支子也康熙五十二年恩准世襲五經博士其七十二世孫以守墓爲重援孔氏在衢之例投牒禮部固讓於常熟之名德堅者歸則倡建專祠於越以供祀事焉

儒風吳越振言子實開先文學西河匹弦歌東魯傳愛人徵雅化問俗得名賢禮立垂家法支分守墓田大宗惟克讓餘慶遂旁延聖裔靈源判師門祖述專辭榮光轉曜樹德本逾堅江介崇祠近何時佐奉籙

茂承堂感事

曾試啼聲聽於今四十年采芹渾未獻埋玉詎生煙愛
日雙輪仄嬭機一線懸老夫偏後死泚筆倍潸然

是日爲起

凡題
主

重上今雨堂扁吟示兩兒

今雨新題日空憐舊雨來坐看殘劫盡

兩次遷居扁亦失去

重借

草堂開鶴禁揮毫久

曾於直次乞皇子補書

鴻遠戢羽纔傳家期

肯構春信發枯荜

時除夕前二日

靜廉齋詩集卷十七終